



## **Universitätsbibliothek Paderborn**

### **Historiae Ecclesiasticae Pars ...**

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

De Seuero Antiocheno Episcopo. Caput XXXIII.

**urn:nbn:de:hbz:466:1-12718**

EVA GR. HISTORIAE

cum Flauianus valde ægrè ferret, & monachi impetu infā-  
rent, populus ciuitatis, seditione conflata, tam magnam cę-  
dem fecere monachorum, vt multi eorum, atque adeò fere  
innumerabiles Orontem fluuium, corporibus fluctibus  
conditis, pro sepulchro haberent. Euenit porro aliud hi-  
sce nihilo inferius. Monachi enim, qui Cœlosyriam, quę  
iam Syria minor dicitur accolebant, quiqüe amore incre-  
dibili ac studio erga Flauianum propterea incéndebarunt,  
quod vitam monasticam in cœnobio in agro ( huic quidem  
nomen est Tilmogium ) posito, properat Antiochiam  
eo quidem concilio, vti Flauianum propugnaret, vti ex eo  
non exigua incommoda contingerent. Quamobrem Fla-  
uianus, siue prioribus de causis, siue de posterioribus fa-  
ctum, siue de vtrisque electus fuit, & ad Petras incelen-  
das, quæ sunt in ultimis oris Palæstinae sitæ condemnatus.

*De Seuero Antiocheno Episcopo.*

*Caput XXXII.*

**F**lauiano igitur in exiliū electo, Seuerus ad episcopatū  
Antiochiæ delatus fuit: anno quingentesimo sexage-  
simō primo post illud nomen ciuitati impositum men-  
se Nouembri: iam verò, hoc est tempore, quo ista à me scri-  
buntur, anno sexcentesimo quadragesimo primo. Huic Se-  
uero patria fuit Sozopolis, vrbis Pisidiæ: qui antequam e-  
piscopatu potitus sit, Beryti in oratione forensi ac iudicia-  
li se exercuit. Verùm simul ac in sacro templo Leontij, di-  
uini martyris, quem Tripolis Phœniciae vrbis maritima  
colit, fuit Lauacio baptismi inctus, se à legum studio ad vi-  
tam monasticam transtulit: quam quidem vitam traduxit  
in monasterio, quod medium locum inter urbem Gazam  
& oppidum Maiumam occupat. In quo loco Petrus Ibe-  
rus, qui eiusdem Gazæ fuerat antistes, quiqüe cum Timo-  
theo Aeluro fugerat, eisdem incedens gradibus, hominum  
sermone post multum prædicatus fuit. Porro autem Seue-  
rus, de quo instituitur oratio, cum Nephaliō, ( qui antea ei-  
iusdem cum eo sectæ & opinionis fuisset, nimirum quod  
vna in Christo natura sit, postea tamen Concilio Chalce-  
donensi, & doctrinę eorum, qui duas naturas in domino no-  
stro Iesu Christo inesse assertunt, consensit ) in disputatio-  
nem ve-

nem veniens, à Nephalio & eius fautoribus vñā cum alijs  
 compluribus, qui in eadē fuere opiniōe, è monasterio suo  
 pulsus est. Inde igitur Constantinopolim rectā se contu-  
 lit, pro se, quoque illis, qui cum eo electi erant, legationem  
 obiturus: sicutque imperatori Anastasio, sicut traditum est ab  
 eo, qui vitam Seueri scripsit, notus esse cœpit. Itaque lite-  
 ras scripsit ad suos fautores de mutua inter se communio-  
 ne, in quibus nominatim Concilium Chalcedonense ana-  
 themate damnauit. De qua re literæ monachorum scriptæ  
 ad Alcisonem ista loquuntur. Literæ Timothei, qui iam e-  
 pisopus Constantinopolitanus est, de mutua communio-  
 ne hic in Palæstina receptæ sunt. At abdicatio Macedonij,  
 & Flauiani, qui petiam literæ Seueri de mutua communio-  
 ne reiecte fuerunt. Porro qui eas literas huc attulerunt, de-  
 decore & contumelia merito sanè affecti (populus namque  
 ciuitatis & monachi contra eos concitati erant) fuga salu-  
 tem sibi quæsiuere. Hoc quidem in loco res fuere Palæsti-  
 næ. Qui autem ecclesiæ Antiochenæ paruerūt, partim fue-  
 runt vñā cum cæteris in errorem inducti, ex quorum nu-  
 mero fuit Marinus episcopus Beryti, partim vi & necessi-  
 tate compulsi, literis Seueri de mutua communione, (quæ  
 non concilio solum, verùm etiam cæteris omnibus, qui du-  
 as naturas, siue proprietates in domino inesse, alteram car-  
 nis, diuinitatis alteram, asserebant, anathema indixerunt)  
 consentiebant. Verùm quos necessitas ad consentiendum  
 compulerat, hi postea mutata sententia, se ad ecclesiastam re-  
 uocarunt. Ex quorum numero fuerunt episcopi qui ecclæ-  
 siæ parebant Apameæ. Erant verò alij, qui omnino con-  
 sentire noluerunt: ex quibus erant Iulianus episcopus Bo-  
 stri, & Epiphanius Tyri episcopus, & alij nonnulli, vt fer-  
 tur, episcopi. Isauri autem, qui iam resipuerant, ob priorem  
 suum errorem se ipsi condemnarunt: Seueroque & eius se-  
 ctatoribus denuntiarunt anathema. Alij episcopi, & Cle-  
 rici, qui sub Seuero erant, ecclesijs suis reliqtis fugerunt: in-  
 ter quos est Iulianus episcopus Bostr., & Petrus Damasci  
 episcopus, qui hic vitam degunt: Mamas item, alter è duo-  
 bus illis, Dioscorianis, qui duas ab initio naturas asse-  
 bant: quorum arrogantem pertinaciam, ab ipsis ad id  
 quidem coactus, Seuerus condemnauit. & paulò infra. Mo-  
 nastic-

EVAGR. HISTORIAE

nasteria autem, tum quæ hic sunt, tum quæ Hierosolymis, ,  
Dei iuuante gratia, in recta fide consentiunt: alieque pluri- ,  
mæ ciuitates & episcopi eodem modo . Pro quibus omni- ,  
bus, & pro nobis quoque tu, sanctissime domine, & pater, ,  
nostrer honoratissime præcari digneris, ne intremus in ten- ,  
tationem.

*De missa ad eum à Cosma & Seueriano abdica-  
tione.* Caput XXXIIII.

**Q**uoniam autem istæ literæ memorant Episcopos, qui  
ecclesiæ Apameæ parebant, à Seuero desciuisse, dein  
ceps ponamus in medio, quod à Patribus nobis tra-  
ditum est, licet nulla historia hucusq; comprehensum. Co-  
smas, qui nostræ Epiphaniæ Orontem fluuium tangentis  
episcopatum gessit, & Seuerianus episcopus Arethusa, vi-  
bis finitimæ, literis Seueri de mutua communione grauitate  
offensi, primum se ab eius communione segregarūt: deinde  
libellum abdicationis ad eum iam tum episcopatum Antio-  
chiæ administrantem mittūt: quem libellum tradunt Aure-  
liano, præcipuo Epiphaniæ diacono, qui, quoniam Seuerū  
extimescebat, & tam illustris episcopatus amplitudinē re-  
uerebatur, ut primum venit Antiochiā, induit se ueste mu-  
liebri, & ita ad Seuerum accedit: seque ipse effeminatum  
& mollem ostēdit, mulieremque omnino esse simulat: atq;  
velamine, quo caput obuoluebatur, ad pectus vsque demis-  
fo, lamentari, & exili voce velut ex imis præcordijs ducita  
obtestari cœpit, Seueroque prodeunti, libellum abdicationis  
dat: & clam omnibus, ex turba, quæ sequebatur Seue-  
rum, euadit, fugaq; sibi ante salutem parat, quam Seuerus,  
ea, quæ libellus complectebatur, potuisset cognoscere. At  
Seuerus, quanquam libellum recipiebat, & quæ in eo scri-  
pta erant, satis intelligebat, tamē in sua sede episcopali fir-  
mè perstītit ac mortem vsque imperatoris Anastasij. Vbi  
autem Anastasius de his, quæ Seuero acciderant, certior fa-  
etus est ( facinus namque tam benignè & clementer ab An-  
astasio editum, hoc loco commemorandum est) manda-  
tum dat Asiatico, præfecturam Libæsæ, quæ est in Phœ-  
nicia